

**№ 20** сонли ШАРТНОМА  
махсулотларни ишлаб чиқариш, ўрнатиш, монтаж  
қилиш ва ишга тушириш бўйича

Тошкент шаҳри

2022 йил «22» ноябр

Бундан кейин «Буюртмачи» деб аталувчи, 22.07.2020 йилдаги 68 сонли Буйруқ асосида иш юритувчи Ўзбекистон Республикаси Молия вазирлиги номидан вазир ўринбосари Ж.Абруев ва бундан кейин «Ижрочи» деб аталувчи, Устав асосида иш юритувчи «MODERN POWER SYSTEMS» масъулияти чекланган жамияти (МЧЖ) номидан директор Р.Ю.Имамрасулов (бундан кейин биргаликда «Томонлар» деб аталади, ва мазкур шартномада кўрсатилган ҳар бир юридик шахс «Томон» деб аталади) ушбу Шартномани куйидагилар ҳақида туздилар:

### I. ШАРТНОМА МАВЗУСИ

**1.1 Ижрочи Буюртмачининг Тошкент шаҳри, Юнусобод тумани Истиклол 29 ҳамда Янгишаҳар 11-А уй манзилида жойлашган маъмурий биноси учун 700 кВт қувватга эга тармоқ куёш электр станциясини (бундан буён матнда «Товар» деб аталади) ишлаб чиқариб буюртмачи ҳудудига ўрнатиш, монтаж қилиш ва ишга тушириш бўйича ишларни бажариш мажбуриятини олади.**

**1.2 Ижрочи** ушбу Шартномани тузиш вақтида **Томонлар** томонидан келишилган ва имзоланган (Шартноманинг ажралмас қисми бўлган 1-илова) мувофик **Товарни** ишлаб чиқариш, уларни ўрнатиш бўйича лойиҳалаштириш, ўрнатиш, монтаж қилиш ва ишга тушириш бўйича ишларни бажариш мажбуриятини олади. **Буюртмачи** томонидан Техник топшириқларга ҳар қандай ўзгартиришлар киритилган тақдирда, ушбу ўзгаришлар макур Шартномага ёзма кўшимча келишув асосида **Ижрочи** билан келишилганидан кейин якуний ўзгартирилган деб ҳисобланади.

### II. ТОВАРНИ НАРХИ ВА ТЎЛОВ ТАРТИБИ

**2.1.** Мазкур Шартнома бўйича **Товарнинг** нархи қўшилган қиймат солиғи (**ҚҚС**) билан бирга **6 979 999 999** (олти миллиард тўққиз юз етмиш тўққиз миллион тўққиз юз тўқсон тўққиз минг тўққиз юз тўқсон тўққиз) **сўмни** ташкил этади.

**2.2.** Ушбу Шартнома бўйича тўлов **Буюртмачи** томонидан **Ижрочи** ҳисоб рақамига пул маблағларини куйидаги тартибда ўтказиш йўли билан амалга оширилади:

**2.2.1.** **Томонлар** томонидан ушбу Шартнома имзоланган ва Молия вазирлиги Ҳазначилигидан рўйхатдан ўтказилган кундан бошлаб 5 (беш) банк куни ичида **Товар** қийматининг **15 фоизи** миқдоридан олдиндан тўлов;

**2.2.2.** **Товар** қийматининг қолган **80 фоизи** **Товар** **Буюртмачи** манзилига етказиб, ўрнатиб, ишга тушириб берилгандан сўнг қонунчиликда белгиланган тартибда **Буюртмачи** томонидан қабул қилиб олинган кундан бошлаб 10 кун ичида амалга оширилади.

**2.2.3.** Қолган **5 фоизи** Шартноманинг 6.1.-бандида қайд этилган кафолат муддати тугаганидан сўнг 10 кун ичида амалга оширилади.

### III. ТОВАРНИ ИШЛАБ ЧИҚАРИШ, ЕТКАЗИБ БЕРИШ, ЎРНАТИШ, МОНТАЖ ҚИЛИШ ВА ИШГА ТУШИРИШ ШАРТЛАРИ

3.1. Ушбу Шартнома бўйича **Ижрочи** томонидан **Буюртмачига Товарни** ўрнатиш, монтаж қилиш ва ишга тушириш шартларининг бажарилиши олдиндан тўлов амалга оширилган пайдан бошлаб 90 (тўқсон) календар кун этиб белгиланади.

3.2. **Ижрочи Товарни Буюртмачига** муддатидан аввал етказиб бериш ҳуқуқига эга.

3.3. **Ижрочи** ушбу Шартнома бўйича ўз Шартнома мажбуриятларини **Буюртмачи 5** (беш) банк куни ичида **Ижрочининг** ҳисоб рақамига олдиндан тўлов қилинган кундан бошлаб бажаришга киришади.

### IV. ШАРТНОМА БЎЙИЧА ТОМОНЛАРНИНГ ҲУҚУҚЛАРИ ВА МАЖБУРИЯТЛАРИ

4.1. Ушбу Шартнома бўйича **Томонлар** қуйидаги ҳуқуқларга эга:

— ушбу тузилган Шартномани тузиш ва бекор қилиш муносабати билан зарур бўлган маълумотномалар ва бошқа ҳужжатларни сўраш ва олиш;

— ҳуқуқ ва қонуний манфаатларини ҳимоя қилишни таъминлаш учун амалдаги қонун ҳужжатларида назарда тутилган воситалар ва усулларни қўллаш;

4.2. Ушбу Шартнома бўйича **Томонлар** қуйидагиларга мажбурдирлар:

— Ўзбекистон Республикасининг амалдаги қонунчилиги талабларига риоя қилиш;

— тузилган ушбу Шартнома талабларига мувофиқ ўз зиммасига олган мажбуриятларини ўз вақтида ва тегишли тартибда бажариш.

4.3. **Буюртмачи** қуйидагиларга мажбур:

- ушбу Шартнома бўйича етказиб берилган **Товар** учун ўз вақтида дастлабки ва якуний тўловни амалга ошириш;

- **Товарни** ўрнатиш тугалланганлиги тўғрисида билдиришнома олгандан сўнг, ўн кун ичида **Товарни** ўрнатиш бўйича иш ҳажмини кўриб чиқиш ва қабул қилиш ва нуксонлар аниқланган тақдирда, бу ҳақда **Ижрочига** маълум қилиш.

4.4. **Ижрочи** қуйидагиларга мажбур:

- Ушбу шартномада белгиланган тартибда **Товарни** етказиб бериш, ўрнатиш, монтаж қилиш ва ишга тушириш;

- **Буюртмачи** вакили иштирокида ушбу Шартнома бўйича **Товарни** ишга туширишни амалга ошириш ва **Товарни** ўрнатиш бўйича ишларни бажаришда **Буюртмачининг** ёзма ва (ёки) оғзаки тавсияларига риоя қилиш;

- техник топшириқлардан четга чиқишларни **Буюртмачи** билан келишиш;

- ушбу Шартномада белгиланган муддатларда **Товарни Буюртмачига** топшириш;

- кафолат муддати давомида сервис хизматларини кўрсатиш;

- ушбу Шартномада кўрсатилган **Товарни** ўрнатиш бўйича техник топширик ва иш ҳажмини **Буюртмачининг** розилигисиз учинчи шахсларга бермаслик;

- **Товарни** ишга тушириш, ундан фойдаланиш бўйича **Буюртмачининг** шу ишларга бириктирилган ходимларини ўргатиш (ўқитиш).

## V. ТОВАРНИ ТОПШИРИШ ВА ҚАБУЛ ҚИЛИШ ТАРТИБИ

5.1. Ушбу Шартнома бўйича **Товарни** ўрнатиб, тўлиқ ишга туширилганидан кейин топшириш **Буюртмачининг** ваколатли вакили томонидан имзоланган **Товарни** икки томонлама топшириш-қабул қилиш далолатномаси имзолангандан сўнг якуний топширилган ҳисобланади.

5.2. **Буюртмачи Товарни** топшириш тўғрисидаги билдиришномани олган кундан бошлаб 10 (ўн) кун ичида:

- ёки **Товарни** қабул қилиши ва **Товарни** топшириш-қабул қилиш далолатномасини имзолаши;

- ёки **Товарни** қабул қилишдан бош тортиши ва **Ижрочига** асослантирилган рад жавобини юбориши керак.

5.3. Асосли раддия бўлган тақдирда, тузатишлар рўйхати ва аниқланган нуқсонларни бартараф этиш муддатлари кўрсатилган икки томонлама далолатнома тузилади.

## VI. КАФОЛАТ

6.1. **Ижрочи** ушбу Шартнома шартларига мувофиқ **Товарни** **Буюртмачига** топширганидан сўнг, 36 ой муддатга сервис кафолатини тақдим этади. Сервис кафолати муддати давомида **Ижрочи** етказиб берилган **Товарнинг** техник кўрсаткичларини кузатиб бориш, зарур ҳолларда, техник носоз **Товарни** созлаш, таъмирлаш ишларини амалга оширади, заводдаги брак (нуқсон) туфайли ишламай қолган ускуналарни янгисига аламаштириб беради.

6.2. **Ижрочи** етказиб берилган **Товар** таркибидаги фотоэлектрик (куёш) панелларига алоҳида 10 йиллик кафолат тақдим этади. Ушбу муддат давомида заводдаги брак (нуқсон) туфайли ишламай қолган фотоэлектрик (куёш) панеллари **Ижрочи** томонидан бепул алмаштириб берилади.

6.3. Кафолат қуйидаги ҳолларда тадбик этилмайди:

- **Товар** таркибидаги ускуналарнинг табиий ходисалар ёки инсон аралашуви туфайли жисмоний шикастланиши ҳолатларига;

- **Товар** таркибидаги ускуналар ва жиҳозлар, бундай ускуналардан фойдаланишга рухсати ва/ёки малакаси бўлмаган шахсларнинг аралашуви туфайли носоз аҳволга келтирилган ҳолатларга;

- **Товар** таркибидаги ускуналар ва жиҳозларларнинг уланиш схемалари, кабелларнинг уланган нуқталари, ускуналарнинг созланиши **Ижрочини** хабардор этмасдан, ўзбошимчалик билан ўзгартирилган ҳолатларга;

- **Товар** таркибидаги ускуналар ва жиҳозларларнинг техник кўрсаткичларидан ортиқ миқдорларда юкланиш (нагрузка) берилиши оқибатида носоз аҳволга келтирилган ҳолатларга;

- **Товардан** фойдаланиш қоидаларига амал қилинмаганлиги оқибатида келиб чиққан носозликларга.

## VII. ДАЪВОЛАРНИ ТАҚДИМ ЭТИШ ВА КЎРИБ ЧИҚИШ ТАРТИБИ

7.1. Ушбу Шартнома Ўзбекистон Республикасининг амалдаги қонунчилиги билан тартибга солинади.

7.2. Ушбу Шартнома бўйича ҳуқуқлари ва қонуний манфаатлари бузилган **Томон** бошқа **Томонга** қонун ҳужжатларида белгиланган тартибда ва муддатларда талабнома юбориш ҳуқуқига эга.

7.3. Ушбу Шартнома бўйича талабнома берилган **Томон** даъво олинган кундан бошлаб 30 (ўттиз) кун ичида ушбу даъвога ёзма жавоб беришга мажбурдир.

7.4. Белгиланган муддатларда талабнома рад этилган (қисман рад этилган) ёки талабномага жавоб ололмаган **Томон**, Тошкент туманлараро иқтисодий судига даъво аризаси билан мурожаат қилишга ҳақли.

## VIII. ШАРТНОМА БЎЙИЧА МАЖБУРИЯТЛАРИНИ БУЗГАНЛИК УЧУН ЖАВОБГАРЛИК

8.1. Мазкур Шартнома бўйича мажбуриятларни бажармаганлик ёки лозим даражада бажармаганлик учун **Ижрочи** ва **Буюртмачи** Ўзбекистон Республикасининг амалдаги қонунчилигига мувофиқ жавобгар бўладилар.

8.2. **Товарни** топшириш муддатлари ўз вақтида бажарилмаган тақдирда, **Ижрочи Буюртмачига** кечиктирилган ҳар бир кун учун **Товар** қийматининг 0,05% миқдорида, лекин **Товар** қийматининг 50% дан кўп бўлмаган миқдорда пеня тўлайди.

8.3. Ушбу Шартномада назарда тутилган муддатларда тўловни ўз вақтида тўламаганлик ва (ёки) кечиктирилганлик учун **Буюртмачи Ижрочига** кечиктирилган ҳар бир кун учун 0,04% миқдорида, лекин кечиктирилган тўловнинг 50% дан кўп бўлмаган миқдорда пеня тўлайди.

8.4. Ўрнатилган **Товарни** техник тавсифи, сифати, сони усқуналар жамланмалари техник топшириқдаги талабларга мос келмаслиги аниқланган тақдирда **Ижрочи** ушбу шартномага ҳамда амалдаги қонунчиликка асосан жавобгар бўлади ва етказилган зарарни тўлайди.

## IX. ФОРС-МАЖОР ҲОЛАТЛАРИ

9.1. Ушбу шартномага асосан мажбуриятларни бажарилмаслиги ҳолатлари енгиб бўлмайдиган кучлар (форс-мажор) ҳолатлар натижасида вужудга келганда томонлар ўз мажбуриятларини бажармасликдан қисман ёки тўлиқ озод бўладилар.

9.2. Енгиб бўлмайдиган кучлар (форс-мажор) ҳолатларига томонларнинг иродаси ва фаолиятига боғлиқ бўлмаган табиат ҳодисалари (зилзила, кўчки, бўрон, қурғоқчилик ва бошқалар) ёки ижтимоий-иқтисодий ҳолатлар (уруш ҳолати, қамал, давлат манфаатларини кўзлаб импорт ва экспортни тақиқлаш ва бошқалар) сабабли юзага келган шароитларда томонларга қабул қилинган мажбуриятларни бажариш имконини бермайдиган фавқулодда, олдини олиб бўлмайдиган ва қутилмаган ҳолатлар киради.

9.3. Шартнома томонларидан қайси бири учун мажбуриятларни энгиб бўлмайдиган кучлар (форс-мажор) ҳолатлари сабабли бажармаслик маълум бўлса, дарҳол иккинчи томонга бу ҳақда 10 кун ичида ушбу ҳолатлар ҳаракати сабабини далиллар билан тақдим этиши лозим.

9.4. Шартномага асосан мажбуриятларни ижро қилиш муддати ушбу энгиб бўлмайдиган кучлар (форс-мажор) ҳолатлар давом этиш муддатига қадар узайтирилади. Агар энгиб бўлмайдиган кучлар (форс-мажор) таъсири 60 кундан ортиқроқ давом қилса, томонлар ташаббусига биноан шартнома бекор қилиниши мумкин.

## Х.КОРРУПЦИЯГА ҚАРШИ ШАРТЛАР

10.1. Мазкур шартнома бўйича ўз мажбуриятларини бажаришда томонлар, уларнинг ходимлари ёки воситачилари ҳар қандай шахсга тўғридан-тўғри ёки билвосита пул ёки қимматбаҳо нарсаларни тўламайди, тўлашни таклиф қилмайди ёки тўлашга рухсат бермайди. Ҳар қандай шахсларнинг қарорлари ўзгартиришлари учун ёки номақбул устунликка эришиш ёки бошқа номувофиқ мақсадларга эришишга йўл қўймайди.

10.2. Томонлар, уларнинг ходимлари ёки воситачилари ушбу шартнома бўйича ўз мажбуриятларини бажараётганда амалдаги қонунчиликда пора бериш(олиш), шунингдек амалдаги қонун ҳужжатларини ёки коррупцияга қарши халқаро актлар талабларини бузувчи бошқа ҳаракатларни амалга оширмайдилар.

10.3. Агар томонлардан бири ушбу банднинг ҳар қандай қоидаларининг бузилиши содир бўлган ёки содир бўлиши мумкин деб гумон қилса, тегишли томон бошқа томонни ёзма равишда хабардор қилиш мажбуриятини олади. Ёзма билдиришномада томон бошқа томон, унинг ходимлари ёки воситачилари томонидан ушбу банднинг ҳар қандай қоидалари бузилиши содир бўлган ёки содир бўлиши мумкин бўлганлигини ишончли тасдиқловчи ёки ишонтириш учун асос бўладиган фактларга ҳавола қилиши ёки материалларни тақдим қилиши керак.

10.4. Агар Томонлардан бири ушбу банд қоидаларини бузса, бошқа Томон шартномани бир томонлама бекор қилиш тўғрисида ёзма билдиришнома юбориш орқали шартномани суддан ташқари бир томонлама тартибда бекор қилишга ҳақли.

## ХІ.ЯКУНИЙ ШАРТЛАР

11.1. Ушбу Шартнома **Томонлар** томонидан имзоланган ва Молия вазирлиги Ҳазначилигидан рўйхатдан ўтказилган кундан бошлаб кучга киради.

11.2. Ушбу Шартномага киритилган ҳар қандай ўзгартириш ва қўшимчалар, агар улар ёзма равишда тузилган ва томонларнинг ваколатли вакиллари томонидан имзоланган ва Ҳазначилигидан рўйхатдан ўтказилган бўлса, ҳақиқий ҳисобланади.

11.3. **Томонларнинг** ҳеч бири бошқа **Томоннинг** ёзма розилигисиз Шартнома бўйича ўз ҳуқуқларини учинчи томонга ўтказишга ҳақли эмас.

11.4. Ушбу Шартнома икки нусхада тузилди. Иккала нусха ҳам бир хил ва бир хил юридик кучга эга. **Томонларнинг** ҳар бири ушбу Шартноманинг битта нусхасига эга.

11.5. Ушбу Шартномада назарда тутилмаган барча масалаларда томонлар Ўзбекистон Республикасининг амалдаги қонунчилигига амал қиладилар.

11.6. Мазкур шартнома 2022 йил 31 декабр кунига қадар амал қилади.

## XI. МАНЗИЛЛАР ВА БАНК РЕКВИЗИТЛАРИ

### «БУЮРТМАЧИ»

Ўзбекистон Республикаси Молия  
вазирлиги  
Манзил: Тошкент ш. Юнусобод тумани  
Истиклол 29.  
Тел: 71-239-12-52  
Х/р: 23402000300100001010  
МФО: 00014  
МБ ББХҚМ Тошкент ш  
Молия вазирлиги Ҳазначилиги  
СТИР 201122919  
Ш/р: 401010860262667011311092001  
Ш/р: 400110860262667011311092001  
ОКЕД: 84111

Вазир  
ўринбосари  Ж.Абруев



### «ИЖРОЧИ»

«MODERN POWER SYSTEMS» МЧЖ  
Манзил: Тошкент ш, Мирзо Улуғбек  
тумани, Мухаммад Юсуф кўчаси, 1А  
Тел: (71) 269-38-83  
Х/р – 2020 8000 9048 7171 4001  
Банк: АКИБ «Ипотека-банк» Чирчик  
филиали  
МФО – 00478,  
СТИР – 301 713 384,  
ОКЭД: 68202

Директор  Р.Имамрасулов







22.11.2022й. кунги №20-сонли шартномага 1-илова

**Шартнома нархини тасдиқлаш баённомаси**

«Буюртмачи» деб аталувчи, Низом асосида иш юритувчи Ўзбекистон Республикаси Молия вазирлиги номидан вазир ўринбосари Ж.Абруев ва бундан кейин «Ижрочи» деб аталувчи, Устав асосида иш юритувчи «MODERN POWER SYSTEMS» масъулияти чекланган жамияти (МЧЖ) номидан директор Р.Ю.Имамрасулов, Шартноманинг умумий нархи ҚҚС ни ҳисобга олган ҳолда **6 979 999 999** (олти миллиард тўққиз юз етмиш тўққиз миллион тўққиз юз тўқсон тўққиз минг тўққиз юз тўқсон тўққиз) **сўмни** ташкил этиши ва қуйидагиларни ўз ичига олиши тўғрисида келишиб олдилар:

Т / р	Маҳсулот номи	Ўлчов бирлиги	Микдори	Нархи	Етказиб бериш нархи	ҚҚС		ҚҚС билан нархи
						Фои	Сумма	
	1	2	3	4	5	6	7	8
1	Тошкент шаҳри, Юнусобод тумани Истиклол 29 ҳамда Янгишаҳар 11-А уй манзилида жойлашган маъмурий биноси учун <b>700 кВт</b> қувватга эга тармоқ қуёш электр станциясини ишлаб чиқариб буюртмачи ҳудудига ўрнатиш, монтаж қилиш ва ишга тушириш Таркибида: Фотозлектрик (қуёш) панели – 400 ватт (1750 дона) Инвертор on-grid – умумий ҳисобда 700 кВт Металлоконструкция – 1750 панел учун жамланма Кабель – лойиха асосида Бошка бутловчи қисмлар – 1750 панел учун жамланма	дона	1	6 069 565 217	6 069 565 217	15 %	910 434 783	6 979 999 999
	<b>ЖАМИ</b>							<b>6 979 999 999</b>

Шартнома нархига юқорида кўрсатилган ускунанинг нархи, етказиб бериш, шунингдек, ускунани ўрнатиш ва ишга тушириш харажатлари қиради.

**«БУЮРТМАЧИ»**

**«ИЖРОЧИ»**

**Ўзбекистон Республикаси Молия**

**«MODERN POWER SYSTEMS» МЧЖ**

**вазирлиги**

Вазир ўринбосари **Ж.Абруев**

Директор **Р.Имамрасулов**



Handwritten signatures in blue ink at the bottom of the document.